

A dì 21. Da poi disnar la Signoria si reduce col colegio, e deteno audientia a do oratori di Cypri, cavalieri, venuti in questa terra con le galie di Baruto, zercha quello dimandono; et fonno comessi a li savij la expeditione.

A dì 22. Fo pregadi per l'avogaria, intervenendo li Pexari da Londra con li soi avochati. Et questo, perchè sier Zuan Corner et sier Zuan Badoer, dottor, cavalier, avogadori, hanno intromesso uno consejo di pregadi, nel qual sier Marin Morexini, era ai 3 savij, et sier Piero Contarini, *olim* ai 3 savij, preseno di retenir il scrivani di sier Beneto da cha' da Pexaro, *olim* capitano zeneral di mar, nominato, qual li absentò; et fo per saper la verità di danari trovati in Santa Maura. Et questi do avogadori dicono esso sier Marin Morexini non havia libertà di meter retenir; et sier Piero Contarini havia compido l'oficio, el qual si ha tolto zoso in scrittura per non contender. Or parlò il Badoer; li rispose il Morexini, et ben, giustificando poter meter la parte, et *merito* esser stà presa. Or volendo il Corner parlar, fo rimesso a uno altro consejo, *tamen* veneno zoso a hore una di note.

A dì 23. Fo consejo di X, con zonta di colegio e altri, per cosse importante, che si tratano in ditto consejo, quasi tutto cazado li papalista, et con gran zonta *etc.*

249 In questo zorno fu fato il parenta' a San Raphael, in casa di sier Andrea Contarini, qual à maridato do fiole zumele, una nominata Paula, l'altra Andriana, in do signorotti *olim* de Faenza, bastardi, quali stanno qui, et hanno provision al sal, *videlicet* uno nominato signor Astor, l'altro suo cuxin, signor Hironimo, el qual si voleva far prete, ma horra si à maridato. Queste ussiten con vesture lavorà a scajoni d'oro et barete di veludo negro in testa *etc.*

A dì 24, domenega. La matina fo letere di oratori nostri a Napoli, di gran importantia *etc.* Da poi disnar fo gran consejo; fato capitano a Padoa sier Piero Balbi, el consier, da sier Francesco Foscari, el cavalier, consier, di 400 balote.

A dì 25. Fo pregadi. Et intrò consejo di X, con la zonta, et steleno tardi dentro. E in questo mezo fo leto le letere, il sumario è questo che se intese.

Da Traù, di sier Bernardin Contarini, conte. Come quelli 200 turchi corseno in quel di Sibinico, *etiam* hano corso su quel di Traù, et menato via . . . anime.

Da Napoli, di oratori. Dil zonzer li il signor Bortolo d'Alviano, condutier nostro, qual con licentia di la Signoria è andato li per veder di rehaver il

stato, che li fo dato per il gran capitano e poi tolliti. Dice il re l'è commesso a l'almazano, et spera di bene; è stato da li oratori, a dir di la bona mente di quel catholico re contra la Signoria nostra, et altre parole, *ut in litteris*. *Item*, che li oratori cesarei erano stati alditati dal re, et scrive le proposte *etc.*; *cætera secretiora*.

Di Bologna, di l'orator nostro. Come a dì 17 il papa parti, per andar a piacer et a caza a uno castello mia . . . de li, chiamato Bentivoja, et dovea tornar a dì 24; et andò con soa santità *solum* do cardinali, Pavia et San Vidal. *Item*, dil partir dil signor Constantin Arniti per Elemaria, con le instructione *etc.*; za parti per Franza lo episcopo di Aquis, et per Napoli Cabrieletto. *Item*, il marchese di Mantoa era li a Bologna, aspectava il ritorno dil papa, et poi partiria per Franza. *Item*, el papa à comenzato a far cavar le fosse, dove dovea far il castello; et si dice farà uno bastion di spalti, et non altro.

Da Milan, dil secretario. Zercha quelle novità di Zenoa, dil populo contra li zenthilomeni *etc.*, *ut in eis*.

Di Franza, di l'orator, date a Come 249 non havia ancora auto le nostre letere, li fo scripto che dovesseno conferir con la christianissima maestà. *Item*, l'orator era alquanto indisposto; et il re à scripto al re di Napoli, che debi ritornar in Spagna, perchè quelle cosse è in combustion; et che si oferisse *in omnibus*, per mantenimento dil regno di Napoli per sua catholicha maestà.

Di Elemania, di l'orator, date a Yspurch. De quelli do che sono li, *videlicet* il fiol dil conte palatino, e il duca Alberto di Baviera, et anderano a la dieta a Costanza. *Item*, il re à mandato a levar certi danari promessi in le altre diete e far quietanza *etc.* *Item*, dil zonzer di oratori di Fiandra, acciò soa maestà vadi li a quel governo.

Di Hongaria, dil secretario nostro, date a Buda. Come il re di Polana, fradelo dil re di Hongaria, era stà im Polana incoronato re. *Item*, dil partir di uno orator dil re, nominato domino, per venir qui a la Signoria per li danari dia aver *etc.*

Di Spagna, di Hironimo Vianello, capitano perpetuo di la regina, et è nostro venitian, di 29 dezembrio. Avisa li disturbi di quello regno di Chastiglia; et è date le letere a Burgos. Come il duca di Medina Cidonia à fato novità contra certe terre; et che la raina et lo arziepiscopo di Toledo manda il gran contestabele per esserli contra, et conzar quelle cosse *etc.* *Item*, manda *iterum* la letera di le